

Broj: 01-11-12-1090-10/22  
Sarajevo, 30.06.2022. godine

Na osnovu člana 70. Zakona o javnim nabavkama („Službeni glasnik BiH”, broj 39/14), Plana nabavki Federalne uprave za geodetske i imovinsko-pravne poslove, broj: 01-11-12-793/22 od 20.04.2022. godine, Odluke o pokretanju postupka zajedničke javne nabavke usluga, broj: 01-11-12-1090/22 od 30.05.2022. godine, te preporuke Komisije za provođenje otvorenog postupka zajedničke javne nabavke usluga - „Uspostava katastra nekretnina – Faza 2”, date u Zapisniku o ocjeni ponuda, broj: 01-11-12-1090-9/22 od 30.06.2022. godine, direktor Federalne uprave za geodetske i imovinsko-pravne poslove, d o n o s i

## **ODLUKU**

### **o izboru najpovoljnijeg ponuđača za zajedničku javnu nabavku usluga – „Uspostava katastra nekretnina – Faza 2“**

I

Prihvata se preporuka Komisije za provođenje otvorenog postupka zajedničke javne nabavke usluga - „Uspostava katastra nekretnina – Faza 2“, data u Zapisniku o ocjeni ponuda, broj: 01-11-12-1090-9/22 od 30.06.2022. godine, da se za najpovoljniju ponudu nakon okončane E-aukcije u predmetnom postupku zajedničke javne nabavke usluga prihvati konačna ponuda ponuđača Geodet d.o.o. Sarajevo.

II

Nakon pravosnažnosti ove Odluke, ponuđaču Geodet d.o.o. Sarajevo, u skladu sa konačnom ponudom nakon E-aukcije i cijenom ponude u iznosu od 42.577,38 KM bez PDV-a, odnosno ukupnom iznosu od 49.815,53KM sa PDV-om, dostavit će se prijedlog ugovora za zajedničku javnu nabavku usluga - „Uspostava katastra nekretnina – Faza 2“.

III

Izabrani ponuđač Geodet d.o.o. Sarajevo je uz ponudu dostavio i sve dokaze (kao originale ili ovjerene fotokopije) o datim izjavama, kao i kvalifikacijske dokaze propisane tenderskom dokumentacijom.

#### IV

Ova Odluka dostavit će se svim učesnicima u predmetnom postupku zajedničke javne nabavke usluga u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno, te objaviti na internet stranici ovog ugovornog organa – [www.fgu.com.ba](http://www.fgu.com.ba).

#### V

U skladu sa odredbama člana 99. i člana 101. Zakona o javnim nabavkama („Službeni glasnik BiH”, broj 39/14), protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi u pisanom obliku, putem ugovornog organa, kao prvostepenog organa.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

#### VI

Ova Odluka stupa na snagu danom donošenja.

### Obrazloženje

Na temelju Zakona o javnim nabavkama („Službeni glasnik BiH”, broj 39/14) i Plana nabavki za 2022. godinu, broj: 01-11-12-793/22 od 20.04.2022. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1090/22 od 30.05.2022. godine, pokrenula otvoreni postupak zajedničke javne nabavke usluga - „Uspostava katastra nekretnina – Faza 2“, u skladu sa tenderskom dokumentacijom i Obavještenjem o nabavci, broj: 399-1-2-17-3-10/22, objavljenim na web Portalu Agencije za javne nabavke BiH dana 01.06.2022. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1090-2/22 od 30.05.2022. godine, koja je o istom sačinila Zapisnik o zaprimanju ponuda, broj: 01-11-12-1090-5/22 od 23.06.2022. godine, Zapisnik o otvaranju ponuda, broj: : 01-11-12-1090-6/22 od 23.06.2022. godine i Zapisnik o ocjeni ponuda, broj: 01-11-12-1090-9/22 od 30.06.2022. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 23.06.2022. u 10:30 sati, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to prema redosljedu zaprimanja:

1. Geometrika d.o.o. Grude
2. Geodet d.o.o. Sarajevo

Po predmetnom nadmetanju, Komisija je ustanovila da su do roka utvrđenog tenderskom dokumentacijom i obavještenjem o nabavci dostavljene ukupno dvije ponude za predmetnu nabavku usluga, i to ponude ponuđača Geometrika d.o.o. Grude i Geodet d.o.o. Sarajevo.

Pregledom i analizom zaprimljenih ponuda, Komisija je utvrdila da su oba ponuđača kvalifikovana za pružanje predmetnih usluga, da su obje ponude u iznosu nešto nižem od procijenjene vrijednosti ove vrste nabavke usluga, s tim da je početna ponuda ponuđača Geometrika d.o.o. Grude bila niža od početne ponude ponuđača Geodet d.o.o. Sarajevo, što je konstatovano tačkom 9. Zapisnika o ocjeni ponuda, broj: 01-11-12-1090-9/22 od 30.06.2022. godine. Oba ponuđača su uz ponudu dostavila svu obligatornu dokumentaciju prema uslovima tenderske dokumentacije, tako da ponude ne sadrže formalno-pravne nedostake koji bi eventualno bili razlog za njihovo odbacivanje, uz napomenu da je ponuđač Geometrika d.o.o. Grude uz ponudu dostavio dokaze iz člana 46. ZJN, a ponuđač Geodet d.o.o. Sarajevo je uz ponudu dostavio kompletne dokaze tražene tenderskom dokumentacijom.

Tačkom 25. tenderske dokumentacije, ovaj postupak nabavke je predvidio E-aukciju, te je ista održana dana 27.06.2022. godine, sa početkom u 10:00 sati i u zakazanom trajanju od 30 minuta. Tokom postupka E-aukcije, ponuđač Geodet d.o.o. Sarajevo je podnio novu, sniženu ponudu koja je cjenovno niža od prethodno prvorangirane ponude (Geometrika d.o.o. Grude), dok ponuđač Geometrika d.o.o. Grude nije podnosio nove ponude tokom predviđenog trajanja E-aukcije. Nakon okončanja postupka E-aukcije, zaključeno je da je nova prvorangirana ponuda, odnosno najpovoljnija ponuda dostavljena od strane ponuđača Geodet d.o.o. Sarajevo, sa konačnom cijenom u iznosu od 42.577,38 KM bez PDV-a, dok je drugorangirana ponuda ponuđača Geometrika d.o.o. Grude u konačnom iznosu od 42.620,00 KM bez PDV-a, kako je konstatovano i tačkom 10. Zapisnika o ocjeni ponuda, broj: 01-11-12-1090-9/22 od 30.06.2022. godine, te izvještajem o toku i završetku E-aukcije (sve u prilogu ove Odluke).

Uzimajući u obzir naprijed navedeno, Komisija je zaključila da je ponuda ponuđača Geodet d.o.o. Sarajevo u potpunosti prihvatljiva i kvalifikovana, da ispunjava sve uvjete iz tenderske dokumentacije, kao i činjenicu da je nakon održanog postupka E-aukcije izabrani ponuđač bio prvorangirani u odnosu na najnižu cijene tehnički prihvatljive ponude kao kriterijem za dodjelu ugovora iz tačke 20. tenderske dokumentacije, pa je s tim u vezi navedena ponuda u cijelosti prihvaćena, te je Komisija direktoru Federalne uprave za geodetske i imovinsko-pravne poslove jednoglasno predložila donošenje odluke o izboru konačne ponude ponuđača Geodet d.o.o. Sarajevo kao najpovoljnije za zajedničku javnu nabavku usluga - „Uspostava katastra nekretnina – Faza 2“.

Komisija je također konstatovala da je izabrani ponuđač uz ponudu dostavio i sve dokaze (kao originale ili ovjerene fotokopije) o datim izjavama, kao i kvalifikacijske dokaze propisane tenderskom dokumentacijom, te je isto navedeno i članom III ove Odluke.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1090-9/22 od 30.06.2022. godine, da se za najuspješniju ponudu za zajedničku javnu nabavku usluga -

„Uspostava katastra nekretnina – Faza 2“ prihvati konačna ponuda nakon E-aukcije od strane ponuđača Geodet d.o.o. Sarajevo, u iznosu od 42.577,38 KM bez PDV-a, odnosno ukupnom iznosu od 49.815,53 KM sa PDV-om.

U postupku ocjene provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je donio Odluku kao u dispozitivu.



**DIREKTOR**

*Željko Obradović*  
Željko Obradović, dipl.ing.geod.

**Prilozi:**

- Zapisnik o ocjeni ponuda
- Izvještaj o toku i završetku E-aukcije

**DOSTAVITI:**

1. Učesnicima u postupku javne nabavke, sa dostavnicom;
2. Sektor za katastar – o v d j e;
3. Kabinet direktora – o v d j e;
4. U spis.